





Siku moja Akadeli, Lucia, Acharait na Maria walienda msituni kutafuta matunda. Walishikana mikono wakavuka mto mkubwa.



Waliufikia mti uliojaa
matunda mabivu.
Walikubaliana kuukwea mti
ule na kuyachuma matunda
wakiwa wameyafumba
macho yao.



Hata hivyo, Lucia, Acharait na Maria hawakuyafumba macho yao. Akadeli pekee alifanya hivyo alipokuwa akichuma matunda.




Ilipofika wakati wa kuyafumbua macho, Akadeli alikuta kwamba alikuwa ameyachuma matunda mabichi pekee.



Lucia, Acharait na Maria
walimcheka Akadeli kisha
wakaondoka kwenda zao
nyumbani. Akadeli aliyatupa
matunda yale mabichi
akaaanza kuchuma mabivu.



Muda mfupi baadaye,
Akadeli alikijaza kikapu
chake kwa matudna
mabivu. Alianza kuuvuka
mto ule mkubwa peke yake.




Akadeli alipokuwa katikati,
kikapu chake kilimponyoka
na kuanguka majini.
Alikasirika sana akaanza
kulia.




Kabla hajavuka ng'ambo,
Akadeli alimwona samaki
ukingoni mwa mto.
Alimchukua.




Alipokuwa amembeba
samaki yule, mwewe
alimnyang'anya na kuruka
naye.



Akadeli aliona unyoya mmoja mrefu uliokuwa umeachwa na mwewe. Ingawa alikasirika, aliuchukua ule unyoya na kuendelea na safari yake.



Akadeli aliwapita watu wakisherehekea harusi ya kitamaduni. Wachezaji walivalia nyasi vichwani badala ya manyoya kama ilivyokuwa desturi. Waliuchukua ule unyoya wakampatia fahali mkubwa!



Akadeli alifika nyumbani na fahali wake. Wazazi na jamaa zake walifurahi sana. Lucia, Acharait na Maria walisikitaka kumdanganya Akadeli. Ilikuwa siku ya bahati kwa Akadeli!